

胃脘痛

有寒有火有痰有氣鬱有食積有瘀血有虫積
初起大法初痛宜辛散久即多火須監涼藥
惡心者先以鹽湯探吐吐定用藥極妙

寒痛脉沉遲或伏手足逆冷忽然大痛者屬寒
二陳炮薑蒼朮白豆蔻肉桂平胃之類

火痛右寸關脉洪數而疾口乾渴時痛時止者
火也二陳湯加薑汁炒黃連梔子香附撫芎
主之大槩胃中有熱而作痛者非山梔子

不可須佐以薑汁多以台芎開之

痰積脉滑而實症兼惡心吐酸清水胸中脹滿
而痛痰也夫劑二陳加香附蒼朮貝母膽星
一方濕痰作痛心下有塊時作惡心用螺螄
壳煨服一方用蛤海粉佐香附末用川芎山
梔生薑汁煎辣湯調服爲佳又法牡蠣煨粉
酒下二錢一法明礬溶化就花鷄頭子大薑
湯下一丸

肥人中脘痰多作痛小胃丹妙

食積右寸關沉滑有力心下痛手不可近瘈瘲
嘔吐食積也就吐中以鷺翎探之吐出宿物
爲佳如吐不出當用二陳加山楂枳實厚朴
蒼朮消導和中初必加辛散藥香砂豆蔻炮
薑之類數日不止反加口渴渴火症者減辛
熱佐以薑汁炒芩連不惡心加炒梔子再不
止枳實導滯丸最佳脉弦實七八日不大便
下之亦可痛隨利減也

左脉數熱多瀉者成血右脉緊實痰多弦大必

是久病

从血脉清而滑或乳口中作血腥氣日輕夜重
者从血也越鞠加牡丹皮鬱金龜尾桃仁紅
花不已桃仁承氣湯葦汁之類一方用葦汁
炒山梔煎湯佳或入越鞠內以葦汁能清胃
腕之血故耳

氣鬱脉沉伏或結或弦胸中脹痛者氣鬱也二
陳加製香附川芎木香青皮蓬朮之類不減

亦加炒山梔

心痛用山梔等劫藥復發前藥必不効玄明粉一服立止

大凡胃脘痛俗名心氣疼婦人多此氣挾痰食者多二陳對越鞠爲要藥甚者加炮薑初起必用辛熱炮薑白豆蔻二陳芎蒼青皮山查神麴之類

虫積脉乍大乍小面上白斑唇紅能食或偏嗜一物時作時止者虫也二陳加苦練根煎湯或用追積丸當從虫治

藍葉取汁和薑汁服佳青黛亦可胃中有火者
宜之

丹溪曰心卽胃脘痛須分新久虛實若明知身
犯寒氣口傷生冷而得於初痛之時當用溫散
溫利之藥病久則成熱熱則成鬱矣若欲行溫
溫散寧無助火添病耶由是古方多用山梔
君諸熱藥爲之嚮導則邪易伏病易退病

若縱恣不改前非厚味仍前不謹病必

病日久不食不食又曰中宮食積與

痰飲而生病者、胃氣亦賴所養、卒不便虛、日數
雖多、不食無損、若痛止卽吃物、痛必復作、勿歸
咎於醫也、必須再服三五服藥後、以漸而將息、
方可護

心膈大痛、攻走腰背、發厥嘔吐、諸藥不効者、就
吐中以鷺羽探之、出積痰碗許而痛立止、

惡心吐清水、中有積滯、作疼、諸藥不効、乾漆二
錢炒煙淨醋糊丸、桐子大、每服五七丸、熱酒下、
或醋湯下、

若平人喜好熱物致成血留胃脘而作痛者用
桃仁承氣下之輕者用韭汁桔梗開提其氣血
藥中兼用之

中氣虛以物柱按而痛定者屬虛二陳加炮薑
和之不應炮薑理中湯妙

痛久洗刷太過脉大或數無力必是中氣虛六
君子加炮薑佳

脉沉伏不渴唇青逆冷面時赤而躁欲坐臥於
泥水中屬寒太陰濕土受症二陳加炮薑草豆

膝脊脇抽痛用小胃丹或三花神祐丸或控涎丹漸漸服之能徹去病根而止

一法云輕者散之麻黃桂枝之類重者加石礮川芎蒼朮炒梔子去皮作丸服

半夏一味切碎油炒爲末薑汁炊餅丸薑湯下二三十丸治痰厥心疼効又治哮喘

一方黃荊子炒焦爲末米湯調下二錢立止又

治白滯

婦人心氣痛不可忍五靈脂淨好者蒲黃等分

爲末每二錢醋半盞熬成膏水一盞煎七分
服名失咲散

手拈散治心痛妙括曰草果玄胡索靈脂并沒
藥酒調二三錢一似手拈却

大抵中宮氣不清則痛有挾痰者有日久成積
者有挾火者古方用陳皮香附甘草末爲君因
所挾而兼用藥挾痰加海粉挾火加梔子積則
蓬朮醋煮灰血加乾漆要在用之合宜耳

一婦苦胃脘痛每發輒大吐多方不應以鹽湯

探吐出積痰碗許痛良愈後常作惡心知胃中
有痰也以橘半枳朮加製香附撫芎白螺壳南
星海粉神麴打糊丸白湯下錢半未及一半病
去如脫

一老姬性急而痛已六日諸辛藥歷試無驗診
得左關弦急而右寸更甚其痛一來卽不可當
少選稍定口乾面時赤知肝氣有餘成火也乃
以越鞠加吳茱萸炒黃連薑汁梔子二劑頓愈
一婦痛幾一月右關寸俱弦而滑乃飲食不節

所致投滾痰丸一服下痰及宿食三碗許節食數日調理一月而愈

一嫗痛久諸藥不應六脉微小按之痛稍定知中氣虛而火鬱爲患也投理中湯一服隨愈

一中年人因鬱悵心下作痛一塊不移日漸羸瘦予桃仁承氣湯一服下黑物并痰碗許永不
再發

和中蠲痛湯 治一切胃脘暴痛

草豆蔻

須用建寧者無則用白豆蔻

山楂

香附

川芎 半夏 蒼朮 厚朴 宿砂

枳實 炮薑

生薑煎服

清中蠲痛湯 痛久脉數有火

炒黑梔子 炒黑薑 川芎 黃連薑汁炒

橘紅 製香附 蒼朮 神麴

白水煎服

腹痛面色黃中青赤是脾弱肝盛也補中益氣

湯下左金丸

胃脘痛吐重、曾服打積不愈、是中氣傷、香砂理中湯

王節齋曰、凡心腹痛、但是新病、湏問曾服何藥、飲食因何傷感、有無積滯、便與消導、和中藥若日數已多、曾多服過辛溫藥、嘔吐不納、胸膈飽悶、口舌乾燥、二便阻滯、則內有鬱火矣、或原有舊病、因感而發、延綿日久、見症如前者、俱用開鬱行氣、降火潤燥之藥、川芎、香附、炒山梔、黃連、薑汁之類、甚者加苾硝、但治心腹久痛、湏于溫

散藥內加苦寒鹹寒之藥溫治其標寒治其本也

越鞠丸 見鬱結門

二陳湯 見痰門

平胃散 見脾胃門

枳實導滯丸 見食門

腹痛

中脘痛屬太陰脾

當臍屬少陰腎

小腹屬

厥陰肝

有寒有火有積滯有食積有瘀血有虫

寒六脉沉遲腹暴痛綿綿無停止面青白色不

渴或暴吐瀉者寒也香砂理中湯主之嘔吐

用香砂二陳平胃白豆蔻炮薑官桂之類或

日雖久涼劑不應脉雖洪大按之不鼓亦屬

伏陰理中湯加熱附子一片浸冷服

火脉數而疾時痛時止或瀉黃沫症屬口乾惡
心頭眩者火也恒見於酒客二陳加薑製黃
連木通蒼朮川芎厚朴主之不已用熟大黃
瀉之金花丸最效

氣脉沉結或伏痛引兩脇及肩背不得俛仰者
氣滯也二陳川芎木香青皮枳殼香附主之
恒見於婦人甚者加三稜蓬朮或先以香稜
丸破滯氣

痰右關脉沉滑或弦症兼嘔吐頭眩或嘔冷涎